

道門定制卷之六

丙六

道門定制卷之六

丙六

西蜀道士樸庵呂元素集成

朱陵真隱性齋胡湘龍編校

自序

定制集備於大緣而遺於衆醮奉道深信之士以無善本考校爲不滿囑以後集補其遺庶幾師門之意義不可辭爰加參考與前集爲全書尚有當別白疏于下其如未至有俟賢達

齋品

廣成先生曰齋有二十七等備在三洞經中
各有品題標明所主世所修奉今著左方

太一齋 十神太一主之

帝王修奉展禮配天

九天齋 九天生神帝主之

丙六

匡護國家保制劫運

金籙齋 上元天官主之

保佑帝王安人鎮國

玉籙齋 中元地官主之

保佑六宮輔寧妃后上以為

帝王之齋或大臣藩鎮為國祈禳亦許
修奉

黃籙齋

下元水官主之事
關上元中元二官

普資家國徧濟

存亡開度七祖救拔三塗

盟真齋

宗廟遷拔及臣下拔亡皆可兼奉

洞淵齋

以北帝為主

祛除疫癘掃蕩邪氣

九幽齋

然燈破暗解救亡魂

五鍊齋

道士修行之
人減度修設

滅度遷神安靈拔罪

正一齋

傳度經錄
授法付道

傳神傳錄崇正除邪

右十品齋法皆有科儀其餘一十七品詳在

丙六

二

廣成黃籙序事儀中或雖有名題科儀不備
復有河圖衆醮五十壇廣成先生皆有儀範
因事制法世亦罕知常所修崇僅有數品其
他規範備載藏書大槩多解禳之法

河圖內篇三宮辰曜解禳星運醮

十一曜
為主

解穰災運致福延年

河圖元紀南北二司延生同醮事南北斗

延生削死治病消災

玄靈北斗七元延生醮

專奉七元凡禱必應

祈雨九龍醮祈求雨雪醮

為國為民降致雨澤

五帝安宅醮

鎮宅解犯安神辟邪

紫庭北陰醮專奉北斗

深災重患所向不通人有妖邪宅多虛
耗仕進不利沈寃不伸嚴潔功行三醮
之後必獲異應

河頭代命斷除復連水醮

連年災患後嗣夭亡鬼崇憑凌先亡復

丙六

三

連先修章醮保存拔亡醮罷行此以十
四人代形十物為誓具舟舫於河邊遣
送斷除故云河頭

消災益算醮

上章乞恩祈禳請禱

正一傳度醮

傳受符籙保佑女男已上並係廣成先

生修儀制法

儲福定命醮

九天丈人為
主生日修之

丈人真君說開天經言人生日當念人

身之貴報父母之恩修此亦知衛生愛

身之理

更籍換按續命延生醮

奉事東嶽及七十二司主病患危急深

災重厄請受五戒改往從新力求感應

東嶽延生醮

專奉嶽皇延生懺罪

北極真武醮

專奉真武降福祛邪已上並係尉僊集

公觀制儀

文昌祈祿醮

祈禱功名延致爵祿

祈祥保嗣醮

度人經第四十卷有祈嗣經

祈保嗣續疏迪慶源

六甲保胎醮

度人經第三十卷有保胎經

醮告六甲六十神將保毓胎元克獲圓

滿

正一安墳醮

保寧冢墓解犯安神

誓火禳災醮

丙六

告謝火星消禳回祿

九幽拔罪醮

九幽醮法為主

救度亡人拔苦懺罪

隨願往生醮

十方天尊真人為主

接引亡者隨願往生已上眾醮大則連

宵累日次則日夜終宵皆可隨事上章
祈恩請命或力有未充事當修奉單朝
行道亦可爲之

靈寶洞玄自然拔亡醮 有儀

明太上自然之旨救拔亡靈

道士昇化遷度醮 有儀

道士滅度薦福遷神

上清修真謝罪醮

道士修真消災懺罪

廣成先生曰醮者祭之別名也香花燈燭果

酒茶湯降天地致萬神禳災禱福兼利天下
其法出於河圖龍文元化帝瑞神經率以消
潔爲先精神爲本丹心苦志以希感通隨所
祈禳修詞拜表精楷典實務在嚴恭其或鹵
莽滅裂欺誕真聖自貽罪譴何福善之能致
乎勉之勉之

丙六

三

議壇方位

廣成先生三籙序事皆以五方真文於啓壇
夜宣布施於五方之案各以金龍鎮之所以
辯方正位俟大醮言功方收真文度祝隨章

焚奏揚煙於青空此實壇場之綱領蓋行道之時存想爲要東西南北各有思存不容牽就間有好爲異論者以上帝所臨皆當正北不問堂宇向背皆以帝座爲北方一念之蔽乃使天地四方易位殊非通論不可遵行

議書章


竊見書章多拘當日或宮觀家居屋宇寬敞有幽閑之地可令當日清心爲之不然則必爲鐘鼓音聲內外來往潰亂于前心境不清何由無錯誤漏忘之失往往至于大謬事既

逼迫不容更易齋主大有不滿之意殊為大
害若章文非有他隱密事可預日事靜時令
修寫點檢密封留太清細字當日書寘庶無
錯誤亦為允當雖稍戾科文事當從權遠勝
膠柱而大繆也

封章符

高功封章之時函上書符所傳謂之開天門
符歷考之非也符出六甲錄中謂之陰陽符
如甲子屬陽符則卓劔乙丑屬陰符下三畫
又出真武三陣法書所載亦分陰陽又有散


形况今所書三畫乃是陰符章函既達天當
用陽符不可不辯今著于篇與衆共曉



陽符聚形

丙六

六



陰符聚形

陽符散形

中天 飛天

大聖 捷疾

一北獄依律治罪

唐葛周三將軍



收捉陽玉玉界五

方无道之鬼付天

真武將軍

卓劍相待

陰符散形

中天 飛天

大聖 捷疾

一北獄依律治罪

唐葛周三將軍



收捉陰玉玉界五

方无道之鬼付天

天地水

三官教

青詞

唐天寶四載敕太清宮行事官皆具冕服亭

祝版改為清詞書於紙上

見杜佑通典唐奉
老君為聖祖置太

清宮真謁祠事甚嚴故有此敕逮及宋朝真宗皇帝更以青

紙謂之青詞清青之義各有攸始

寶誥

寶誥出於法書謂行法之人生有職品解化

丙六

七

之後令給寶誥陞陟階秩所以最後兩符云

隨品命秩與神齊并又云進爵加秩隨品命

遷之語今則一例施用頗多致疑若亡者非

是受法錄有階品功勤之人合除去最後兩

符為宜

詞文式 歐陽文忠公撰

皇帝本命道場青詞

維某號某年歲次某甲子某月某朔某日某
甲子嗣天子 臣某謹遣某人於某州某宮觀
開啓本命道場三晝夜罷散日設醮一座謹

上啓

太上開天執符御曆合真體道玉皇大天帝 陛下

伏以寶祚無疆蒼穹垂佑吉日式臨於元命
醮科爰舉於舊章薦誠懇以惟精延

聖真而並集仰希靈貺敷錫眇冲四時叶序

以和平品彙均休而康泰無任懇切之至謹
詞

皇帝為晉國夫人杜氏建薦拔九幽

齋詞

生而有盡是謂物常道本無形實資冥助虔
依僊宇載肅淨場追懿德之已遙冀明靈之
垂祐

河南府平陽洞及北海水府投送龍

簡詞

九區至廣萬物類居惟川嶽之宅靈繫真僊

之總治載稽道祕實有舊章粲然玉簡之清
文宛若金鱗之瑞質茲為鎮信輔以精誠伏
願冲鑒昭臨純祺錫羨保邦家之永固均動
植以蒙休

詞文止欲簡要前集已詳言矣今取歐陽

丙六

八

公三詞載于此庶可矜式又黃籙詞文三

奏九奏皆不能該及家國幽明鬼神六趣

頃者二江范公禮部設大供始取九時誦

經所為事作九詞逐時分奏雅合儀軌今

取啓散等全文刊行并注其所取於道經

者以備有取法云出儒書者士夫自知也

黃籙詞文

啓壇

芝壇肅敞藻笈飛華天風泛八會之音八會靈書

九芒寶雲森五明之座九幽經寶雲玉座極

帝鄉而望幸啓齋範以輸誠羽葆瑤旌繽紛

而來下金書玉字開度於無窮肆回道德之

光少答人天之望

祝聖

受丕顯命申上帝之真符資最上乘致封人

之精悃益厚至仁之眷肆超錫夢之齡對揚
天休永作神主地方千里者九坐收四海之
功山呼萬歲者三莫紀兩宮之算時高孝體
道不息與天長存度人經保制劫
運使天長存

為國界禳災

丙六

龍文保運雲護八威之章

度人經赤書玉字

運使天長存

鳳曆紀圖天開千歲之統九廟隕祉

三靈薦休杜六極於未形溥羣生而咸遂惟

一其德治還太古之風於萬斯年人躋皇極

之世天殃盡弭化日長春

為國界祀典神

升壇演教式揚祈穀之科

翊聖真君云黃籙齋為祈穀福時壇

為國儲祥第切傾葵之志際天所覆靡神不
宗既哀對於明靈宜導迎於顧享誕膺帝祉
增耀德威助元化以密庸保萬邦而嘉靖

遷拔

天高地厚共傾報本之誠雷動風馳莫急度

人之施

巢時賓儀龍漢出書於大有赤明開圖於上清爰從歷劫而來皆以度人

為急又云度人功大風火悼種親之永隔度人

不停道路山川急急傳命冀冲鑒之旁昭矜彼沈寃消其注訟經歷劫

種親

北斗經家訟
考注之厄

拔出泉曲之府

度人經北
都泉曲府進入

道宮之中

遷拔章進入道宮
之中安樂之地

捨妄歸真永斷

羣迷之網

北斗經
羣迷徑

還元反本畢升衆妙之

門

老子玄之又
玄衆妙之門

陞擢地水二司僊班乞除存亡罪籍

蕩蕩神鄉茫茫淵府總治沉冥之域未登勝

妙之庭尚賴洪慈曲加普濟幽械化飛於甘

露陰扉朗煥於太霞

救苦經火翳成清署
樹化騫林度人經泛景

太把籍帝前洗四生之多罪

度人經執籙把
籍齊到帝前

歸班天上詠八極之清遊

神遊永息苦輪咸

躋道岸

六道有情

迷津未返濁海無涯俟列聖之流光憫重昏

而洞照自知宿命

九幽經天尊以六通慧令諸罪人閉眼靜思俄頃之

間自知宿命

頓悟本心晞以陽翹之華

生神章苦

丙六

十

菟沈九夜乘晨希陽翹

濯其幽夜之爽咀玉音而鈿魄

沃金液以生神

度人經玉音攝氣清淨經金液鍊形

出離九幽

指丹天而授化飛凌三界廓玄路以登真

方南

丹天鍊度之所超凌色界欲界無色界之上

消災

同室相依半生多難夫婦同誠陳往愆而自省託

妙供以祈哀釋寃而萬罪除扶衰而九厄解

導以延生之炁誘其為善之衷宿業潛消不

隨六塵之網六根身色香味觸法世緣早辦終依大有

之庭度人經大偕與含情永歸元化

報父母劬勞時偏侍太夫人

劬勞萬劫恩重以難酬喜懼一心憂深而未

解願鑒由中之請荐開無上之慈特拯亡而

固存俾遠惡而從善青宮錫命生神章東華青宮出九龍

寶命使救九幽玉舉為僊化之人度人經仙

碧簡增年

巢儀丹臺紀善碧簡增年

永斷塵勞之障更新

介福敷錫有情

為申奏等神言功

載嚴法會普告於千真翕受殊釐徧周於一

切萬範克舉

度人經萬範恢張

羣靈駿奔茂集無疆

丙六

十一

之休實繫顯相之助宜頒大賚首及靈司暨

茲昭事之流寧免犯科之瀆共伸懺謝仰俟

赦原

散壇

古儀無啓散詞止是心詞而已後人增之實有不通啓壇致望

幸之意尚或少通散壇則未伸再獻先辭上聖無如仍宣心詞為佳天師

著儀文義亦爾三獻罷自有專啓寅
錢上真如欲用詞須三獻事畢宣奏
允惟

鸞輿肅駕振萬騎以遄歸度人經億乘萬龍

驛言功傳達章表則絕九天而直上凡在三

元之內俱蒙一洗之恩沐道化之玄虛味瓊

章而飛躍宿心允契感涕自零返僊仗於雲

中神遊已邈望鈞天於帝所夢想空深

洞府投龍簡

齋功克展天鑒孔昭尚宣五老之符祝龍簡

五老赤書丹文告下十方之府馳金龍之雲騎風火

不停叩寶室之巖扉煙霞未隔肅陳嘉薦終
罄菲誠庶幾時萬之休周洽大千之界

土府

祈恩上帝錫命中宮申金鈕白信之盟龍簡文

扶玉書赤文之祕萬神咸聽度人經萬神成德九地

潛孚盡原幽翳之魂削除罪錄更列華清之

奏投簡有記名上升化僊庭宮列簿華清

水府

精嚴玉簡祗詣珠宮鑿黃籙之殊勲覲九霄

之清聽並走羣望肆通萬靈合庶彙以昭蘇

偕七玄而獲濟愛河自竭法海常清

歐陽文忠公詞內所上啓

玉帝御號即本朝事實內元上尊號後準
徽宗皇帝專委丞相張無盡再加校正金
錄科儀注定

丙六

十二

玉帝聖號云

太上開天執符御曆含真體道昊天玉皇
上帝即與泰壇郊祀

昊天上帝為一定之號又準

聖旨於天下州府天慶觀內起建

卅

昊天玉皇上帝之殿以專嚴奉今諸天慶
觀中太師魯國公所寫殿額自可遵承況
道藏中無盡金籙儀并巢先生刊行黃籙
儀內皆同此號惟知教法者自能通貫嘉
泰辛酉春元素謹識

道門定制卷之六

六卅

